


採 取 法 象



道藏輯要

金液還丹印證圖詩

六

胃集十一
川又川

採取詩曰

夜半霞光北海明金丹一粒慶圓成不因採取知玄妙枉使飛騰入太清鶴翅每隨霜色勁蟾酥多逐月華生憑他氣類潛通感運劍追來掌上擎

鍊丹之士既得真師指授鼎器之的藥物之真火候之妙方可下手採取以鍊還丹夫採取之妙待彼一陽初動之時鼓動乾坤之橐籥揭開離坎之樞機運真水於天河焚真火於髓海循刻漏而森羅萬象駕河車而直透三關泥丸風生絳宮月白旋採而旋收漸凝而漸結崑崙頂上黍米珠懸大淵池中黃金芽長河光閃爍明透北海金丹一粒已慶圓成也

不因真師訣破採取之的焉能使之飛騰而入太清者哉飛騰之妙如鶴翅之翮遷隨霜色而勁如蟾酥之流潤逐月華而生藥物既已同類氣候豈不相通參同契云陽燧以取火非日不生光方諸非星月安能得水漿二氣玄且遠感化尙相通何況近存身切在於心腎陰陽配日月水火爲効徵又云磁石吸鐵隔碍潛通卽仙翁憑他氣類潛通感運劍追來掌上擎之謂也

道藏輯要

金液還丹印證圖詩

六

胃集上